

Embargo: Hanya boleh diterbitkan atau disebarkan mulai jam 1200, Khamis, 20 Mac 2025



KENYATAAN MEDIA

KEMENTERIAN EKONOMI
JABATAN PERANGKAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

BANCI PERKHIDMATAN DAN PERALATAN MINYAK & GAS 2024

2,894 pertubuhan terlibat dengan aktiviti Perkhidmatan dan Peralatan Minyak & Gas pada tahun 2023 dengan Output kasar berjumlah RM79.2 bilion

PUTRAJAYA, 20 Mac 2025 – Laporan Perkhidmatan dan Peralatan Minyak & Gas (OGSE) buat julung kalinya diterbitkan oleh Jabatan Perangkaan Malaysia (DOSM). Penerbitan ini memaparkan statistik utama yang diperolehi daripada pelaksanaan Banci OGSE 2024 bagi tahun rujukan 2023 berkaitan dengan bilangan pertubuhan, output kasar, input perantaraan, nilai ditambah, pekerja, gaji & upah dan harta tetap di peringkat nasional. Statistik berkaitan dengan aktiviti teras OGSE, Alam sekitar, Sosial dan Tadbir Urus (ESG) dan Perusahaan Mikro, Kecil dan Sederhana (PMKS) yang merupakan antara indikator Pelan Hala Tuju Industri OGSE Kebangsaan (2021-2030) turut dilaporkan dalam penerbitan ini.

Mengulas prestasi laporan Banci Perkhidmatan dan Peralatan Minyak & Gas (OGSE) 2024, Ketua Perangkawan Malaysia, Dato' Sri Dr. Mohd Uzir Mahidin, berkata, "Sejumlah **2,894 pertubuhan** yang terlibat dengan aktiviti OGSE merentasi pelbagai sektor. Dari segi bilangan, sektor **Perkhidmatan** mendominasi dengan 1,643 pertubuhan (56.8%), diikuti oleh sektor Pembinaan (802 pertubuhan; 27.7%), sektor Pembuatan (251 pertubuhan; 8.7%) dan sektor Perlombongan dan pengkuarian (198 pertubuhan; 6.8%)."

Dalam kenyataan pada hari ini, Ketua Perangkawan Malaysia berkata, "Nilai **output kasar** berjumlah RM79.2 bilion yang mana 35.5 peratus adalah disumbangkan oleh Sektor Perlombongan dan pengkuarian dengan nilai sebanyak RM28.1 bilion, diikuti oleh sektor Perkhidmatan, RM25.8 bilion (32.5%). Sementara itu, sektor Pembinaan dan Pembuatan masing-masing merekodkan RM15.4 bilion (19.4%) dan RM9.9 bilion (12.5%). Sejumlah RM59.3 bilion Output OGSE yang dijana dan menyumbang 74.9 peratus kepada keseluruhan Output kasar pada tahun 2023."

Mengulas laporan tersebut, Ketua Perangkawan berkata, “nilai **input perantaraan** mencatatkan RM39.8 bilion pada tahun 2023 dengan Sektor Perkhidmatan merekodkan nilai tertinggi iaitu RM14.2 bilion (35.6%). Ini diikuti oleh sektor Pembinaan (RM10.6 bilion; 26.6%), Sektor Perlombongan dan pengkuarian (RM8.4 bilion; 21.1%) dan sektor Pembuatan (RM6.7 bilion; 16.7%).”

Nilai ditambah bagi pertubuhan yang terlibat dengan aktiviti OGSE berjumlah RM39.4 bilion pada tahun 2023. Sektor Perlombongan dan pengkuarian menyumbang RM19.7 bilion atau 50.0 peratus daripada jumlah keseluruhan. Seterusnya, sektor Perkhidmatan mencatatkan RM11.6 bilion (29.4%) dan diikuti oleh sektor Pembinaan dan sektor Pembuatan, masing-masing merekodkan RM4.8 bilion (12.3%) dan RM3.3 bilion (8.3%).

Senario **pekerja** yang terlibat dengan aktiviti OGSE, Ketua Perangkawan berkata, “Seramai 123,288 orang pekerja yang direkodkan pada tahun 2023. Sektor Pembinaan mencatatkan jumlah pekerja tertinggi sebanyak 50,696 orang (41.1%), diikuti oleh sektor Perkhidmatan (48,731 orang; 39.5%). Pada masa yang sama, sektor Pembuatan dan sektor Perlombongan dan pengkuarian masing-masing merekodkan seramai 12,365 orang (10.0%) dan 11,496 orang (9.3%). Berkaitan dengan kategori kemahiran, Pekerja separuh mahir merekodkan bilangan pekerja tertinggi dengan 67,552 orang (56.1%). Ini diikuti oleh pekerja Mahir (41,048 orang; 34.1%) dan Berkemahiran rendah (11,917 orang; 9.9%).”

Jumlah **gaji dan upah** yang dibayar pada tahun 2023, merekodkan RM6.8 bilion dengan purata gaji sebanyak RM4,609 sebulan. Sektor Perkhidmatan mencatatkan nilai gaji & upah tertinggi berjumlah RM2.8 bilion (41.6%). Ini diikuti oleh sektor Pembinaan (RM2.1 bilion; 30.8%), sektor Perlombongan dan pengkuarian (RM1.2 bilion; 17.2%) dan seterusnya sektor Pembuatan (RM0.7 bilion; 10.4%). Selain itu, Pekerja mahir menerima purata gaji & upah bulanan tertinggi sebanyak RM8,107 diikuti dengan pekerja Separuh mahir dan pekerja Berkemahiran rendah dengan masing-masing menerima RM2,993 dan RM2,230 sebulan.

Ketua Perangkawan turut menambah, sebanyak 2,652 pertubuhan (91.6%) **Perusahaan Mikro, Kecil dan Sederhana (PMKS)** pada tahun 2023, menjana output kasar berjumlah RM21.2 bilion atau bersamaan 26.7 peratus daripada jumlah output kasar. Selain itu, berdasarkan kepada 56 **aktiviti teras OGSE** yang dikenal pasti semasa pelaksanaan Banci OGSE ini, Aktiviti Perundingan Kejuruteraan merekodkan penglibatan tertinggi dengan sumbangan sebanyak 8.6 peratus. Ini diikuti oleh Perkhidmatan Tenaga Manusia (7.8%) dan Bekalan & Perkhidmatan Bahan Kimia (5.1%).

Mengakhiri kenyataannya, Dato' Sri Dr. Mohd Uzir Mahidin berkata, “Bagi pemahaman dan kesedaran berkaitan **Alam sekitar, Sosial dan Tadbir urus (ESG)**, komponen Alam semula jadi & Biodiversiti di bawah elemen Alam Sekitar, Pekerjaan (Elemen Sosial) dan Privasi & keselamatan data (Elemen Tadbir urus) merupakan elemen ESG yang mempunyai pemahaman dan kesedaran yang tertinggi.”

Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema '*Driving Change with Quality Statistics and Data for Everyone*'.


OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.

Paparan 1: Statistik Utama Aktiviti Perkhidmatan dan Peralatan Minyak & Gas (OGSE), 2023


	Bilangan Pertubuhan	Output Kasar (RM billion)	Input Perantara (RM billion)	Nilai Ditambah (RM billion)	Pekerja (orang)	Gaji & Upah (RM billion)	Harta Tetap (RM billion)
Jumlah	2,894 100%	79.2 100%	39.8 100%	39.4 100%	123,288 100%	6.8 100%	111.0 100%
Perlombongan dan Pengkuarian	198 6.8%	28.1 35.5%	8.4 21.1%	19.7 50.0%	11,496 9.3%	1.2 17.2%	79.5 71.6%
Pembuatan	251 8.7%	9.9 12.5%	6.7 16.7%	3.3 8.3%	12,365 10.0%	0.7 10.4%	2.2 2.0%
Pembinaan	802 27.7%	15.4 19.4%	10.6 26.6%	4.8 12.3%	50,696 41.1%	2.1 30.8%	2.8 2.5%
Perkhidmatan	1,643 56.8%	25.8 32.5%	14.2 35.6%	11.6 29.4%	48,731 39.5%	2.8 41.6%	26.5 23.9%

 Sumbangan


Paparan 2: Pekerja dan Gaji & Upah mengikut Kategori dan Kemahiran, 2023



Paparan 3: Bilangan Pertubuhan dan Output Kasar bagi Perusahaan Mikro, Kecil Dan Sederhana (PMKS), 2023



Paparan 4: 10 Aktiviti Teras OGSE yang Tertinggi, 2023



Dikeluarkan oleh:

PEJABAT KETUA PERANGKAWAN MALAYSIA
JABATAN PERANGKAAN MALAYSIA
20 MAC 2025